

UGOVOR

„Nabavka i ugradnja servera za informacijski sistem arhiva, razvijanje baza podataka i čuvanje digitalizirane arhivske građe“

zaključen između

JAVNA USTANOVA HISTORIJSKI ARHIV SARAJEVO, Alipašina 19, Sarajevo, kojeg zastupa Velid Jerlagić, v.d.direktor (u daljem tekstu: korisnik usluga)

i

BITS d.o.o. Vrbovska 211 Sarajevo, kojeg zastupa Nihad Hajrić, direktor (u daljem tekstu: davalac usluga)

I OPĆE ODREDBE

Član 1.

Ovim Ugovorom je regulisan predmet ugovora, prava i obaveze ugovornih strana, vršenje usluga, način plaćanja, važnost ugovora.

II PREDMET UGOVORA

Član 2.

Predmet Ugovora je „Nabavka i ugradnja servera za informacijski sistem arhiva, razvijanje baza podataka i čuvanje digitalizirane arhivske građe“ za koje je proveden postupak direktnog sporazuma, čija vrijednost ne prelazi iznos od 5.000,00 KM.

III CIJENA, USLOVI VRŠENJA USLUGA I DRUGI USLOVI

Član 3.

Davalac usluga je na poziv korisnika usluga dostavio ponudu, broj 000032 od 04.12.2019. godine koja odgovara uslovima iz tenderske dokumentacije na osnovu čega je ponudač izabran da izvrši usluge koje su predmet ovog ugovora.

Ugovorna cijena iz člana 1. ovog ugovora je 4.970,00 KM bez uračunatog PDV-a.

Ukupan PDV iznosi 844,90 KM.

Ukupna cijena sa uračunatim PDV-om iznosi 5.814,90 KM.

Ponuda davalaca usluga je sastavni dio ovog ugovora.

Član 4.

Davalac usluga će za korisnika usluga obaviti „Nabavku i ugradnju servera za informacijski sistem arhiva, razvijanje baza podataka i čuvanje digitalizirane arhivske građe“ navedene u specifikaciji, odnosno obrascu za cijenu ponude.

Član 5.

Davalac usluga se obavezuje da će usluge koje su predmet ponude obaviti stručno i kvalitetno.

IV USLOVI PLAĆANJA

Član 6.

Davalac usluga se obavezuje da po izvršenoj usluzi ispostavi fakturu korisniku usluga na osnovu narudžbenice (obračunski period teče od prvog do tridesetog u mjesecu).

Član 7.

Korisnik usluga se obavezuje da će izvršiti uplatu po ispostavljenoj fakturi na račun davaoca usluga u roku od 30 dana, putem transakcijskog računa 141 306 53202021-29 kod BBI Bank Sarajevo

V PERIOD VRŠENJA USLUGA, VAŽNOST I TRAJANJE UGOVORA

Član 8.

Ugovorne strane su se sporazumjele da se navedene usluge koje su predmet ovog Ugovora izvrše odmah nakon zaključenja Ugovora.

Član 9.

Ugovor je punovažan nakon potpisivanja obje strane. Promjene uslova ovog Ugovora mogu biti izvršene samo u pismenoj formi.

VI PRELAZNE I ZAVRŠNE ODREDBE

Član 10.

Eventualni sporovi rješavat će se međusobnim dogovorom ugovornih strana. Ukoliko se nastali spor ne bude mogao okončati mirnim putem nadležan je Općinski sud u Sarajevu.

Član 11.

Svi elementi ovog Ugovora spadaju u poslovnu tajnu i ovaj princip treba da poštuju obje strane.

Član 12.

Ovaj ugovor sačinjen je u četiri istovjetna primjerka od koji svaka od ugovornih strana zadržava po dva primjerka.

KORISNIK USLUGA

v.d. DIREKTOR

Velid Jerlagić

Broj: 02-3276-8/19

Sarajevo, 11.12.2019. godine



DAVALAC USLUGA

DIREKTOR

Nihad Hajrić

Broj:
Sarajevo, . godine

